

水經注疏要刪卷八

宜都楊守敬撰

濟水

注寃胸縣有煮棗城卽此也

左一

按地形志清河棗疆亦有煮棗城樊噲傳晉灼注亦云徐廣則以爲寃胸

注竹書紀年曰魏襄王十年十月大霖雨疾風河水溢酸棗鄆漢世塞之故班固云文堙棗野

左二

按漢書溝洫志孝文時河決酸棗東潰金隄於是東郡大興卒塞之非自魏襄時河決至漢始塞之也然河水注亦引溝洫志文是酈氏非不知漢時

水經注疏要刪卷八

一 濟水

有復決之事此特因省文致成語病

注刺韓相俠累遂披面而死

右三

按披有裂義裂其面使人不識續列女傳聶政自披其面與注合趙戴何不考遽以爲訛耶 又按廣雅曰皮離也又曰皮剝也卽作皮字亦不得如索隱解然余終疑皮字是披字之爛脫

注逕桃城南

左三

郡國志東郡燕縣有桃城劉昭曰史記春申君說秦曰王又舉甲而拔桃入邢是也道元旣證於信都又引於此蓋兩存之非忘其複也

注秦蘇胡率師伐鄭

左三

今本竹書記此事有二一在烈王二年作伐韓蘇胡作胡蘇一在顯王二十一年與此同注云不知何年附此當是卽采水經注爲之

注孔子將之衛子路出於蒲者也

左四

趙於出下增迎字子路出迎於蒲出何書此乃家語入官篇孔子適衛路出於蒲之語淺人以下有子路事妄添子字趙戴均不檢察趙又臆添迎字是爲巨謬

注言仲由爲蒲宰

左四

水經注疏要刪卷八

二

濟水

蒲爲衛邑郈爲魯邑此無可混者今本韓非子作爲郈宰酈氏所見本必作蒲若同今本當辨郈蒲之異不當云魯衛之異家語各本皆作蒲說苑引此事亦作蒲戴氏改韓非子之蒲爲郈猶可言也無端改家語之蒲爲郈全違酈氏衛邑之說妄何可言韓非子明言季氏爲政酈氏豈未之見良由古書皆言子路爲蒲宰非魯地而起溝修長濱韓子家語文小異而大同明爲一事而傳聞之異故引家語以駁韓非全氏亦未悟其旨

注竹書紀年幽王十三年魯季孫會晉幽公于楚邱

取葭密

右六

寰宇記乘氏縣下引作幽公十三年魯季孫會晉文公于楚邱取葭密遂城之與朱箋所云舊本作幽公十三年合而全趙戴並作元公三年不言所據何本趙氏並據史記世表差一歲相駁詰不知竹書以晉魏紀年無以魯紀年者何妄改乃爾當從舊本寰宇記文公亦幽公之訛

注盟於鹿上京杜竝謂此亭也

右六

按杜注云宋地汝陰有原鹿縣酈氏於汝水篇已引之而此乃云京杜並謂此亭何不相照也當是

水經注疏要刪卷八

三

濟水

京氏說與杜異

注故地理志曰濮水自濮陽南入鉅野

左六

趙氏謂此是應劭說非班固原文按北濮水至都關入羊里水者見於地理志封邱縣下此至乘氏入鉅野之濮水志不應不載此當本是班氏原文今本漢志應劭曰三字或傳寫誤衍

注上承鉅野薛訓渚厯澤西北渚

左六

熊會貞曰下渚字是流字之誤趙戴刪之非

注李欽曰汶水出太山萊蕪縣西南入濟是也

左七

按漢志萊蕪下云禹貢汶水出西南入沛桑欽所

言說文汶水出太山萊蕪西南入洌此李欽爲桑欽之誤無疑趙戴均不覺何耶

注山北三里有呂母宅

左七

元和志呂母垞在壽張縣東南三十五里其莒縣下又云呂母固在東海縣但呂母起海曲何得在壽張然宅必垞之誤

注又北逕須朐城西 故須朐國也

左七

據後文京相璠說當作逕朐城西故朐國也

注杜預曰須朐在須昌縣西北非也

右八

壽良之朐城是未遷之朐故只稱朐城須昌之朐

水經注疏要刪卷八

四 濟水

是已遷之朐故名須朐如楚之鄢郢是也觀後文引京相璠說最爲分晰知杜氏就已遷之朐爲言今東平州西北有朐城與京杜合酈氏援據京說獨非杜義何耶

注地理志曰壽張西北有朐城者是也

右八

地理志壽良蚩尤祠在西北洌上 句 有朐城酈氏讀漢志蒙上蚩尤祠加西北二字於朐城上非也

注京相璠曰公羊傳謂之微

左八

酈音眉眉與微通特牲饋食禮眉壽萬年鄭注古文眉爲微

注胸是其本

左八

本下疑脫國字

注東阿縣東南有桃城卽桃邱矣

右九

梁玉繩曰史表劉襄之封國當在此詳濁漳水注

注京相璠曰今濟北東阿東北四十里有故清亭卽

春秋所謂清者也

左九

按杜注云衛地濟南東阿縣有清亭與京說合又

哀十一年齊國書伐我及清杜注齊地濟北盧縣

東有清亭是跨濟水左右皆有清亭也

注陽穀之地

左九

水經注疏要刪卷八

五

濟水

陽穀隋開皇十六年始置縣何以云陽穀之地乎

四字疑衍

注皇覽云冢去縣十五里

右十

日知錄又以皇覽爲不然引孫復說曲阜西北有

小穀城又李石續博物志則又疑穀城二冢是身

首異處

注春秋隱公五年齊鄭會于石門

左十

左傳本是三年趙改是也而戴不從何耶

注齊人言廣音與光同卽春秋所謂守之廣里也

右十

塹廣一里恐無此事司馬彪郡國志注濟北國廬

縣有平陰城有防門有光里足與酈說相證光廣同音書之光被四表亦作廣被四表是也全氏從杜說非

注又云巫山在平陰東北

右十二

按上文引京相璠說此又云者亦京說也趙氏分爲大小字此又云無根矣足知趙所定古無此式注郭景純曰微水邊通谷也

右十二

今本爾雅釋丘谷者激注通於谷無水邊二字當據此補

注濟水又逕什城北

左十二

水經注疏要刪卷八

六

濟水

地形志太原縣沿升城升什形近致訛

注郡治山爐固北與漢賓谷水合

右十三

據寰宇記後魏孝昌二年自山荏故城移東太原郡於長清是魏以前東太原郡治山荏有明徵朱本作山爐固箋曰孫云山爐當作山荏謝云固北宋本作西北然則當作郡治山荏句西北與漢賓谷水合戴云山爐地名臆爲之說也戴氏蓋因上文有半水出山荏縣之文故以郡治山荏爲非不知此酈氏故錯綜其文若言水出太原郡於通例不合矣

注沙門竺僧朗嘗從隱士張巨和游巨和常穴居而朗居琨瑞山

左十三

張巨和名忠中山人見晉書隱逸傳 高僧傳竺

僧朗京兆人前秦時居泰山與隱士張忠為林下

之契後於金輿谷崑崙山中立精舍云云然不云

少事佛圖澄 崑崙山即此琨瑞山

注春秋襄公十九年諸侯盟于祝阿左傳所謂督陽者也

左十三

趙戴改阿作柯按阿字不必改安知酈氏所見春

秋不作阿即觀漢志作阿可見 督陽杜注即祝

水經注疏要刪卷八

七

濟水

阿按成十六年我師次於督陽不敢追杜注鄭東地又自督陽遂次於泗水則非此祝阿也

注右水北出

左十四

熊會貞曰即下所言枝津

注自水枝津合

左十四

熊會貞曰當作又與其水枝津合趙氏作與灤水枝津合不思其水不從灤水出何以謂灤水枝津

也 注所云枝津即指上右水北出者乃歷水之枝津也

注東北逕東城西而北出郭

左十四

熊會貞曰當作東北逕東城而西北出郭

注有樂安任照先碑

右六

後漢書鄭玄傳玄稱樂安任噉有道德注噉字昭光疑昭因避晉諱作照光乃先字之訛耳

注景帝二年為郡

右六

文帝封悼惠王子辟光為濟南王以謀反誅當景帝三年今本漢志亦誤作二年

注西北逕臺縣故城南 高帝六年封東郡尉戴野為侯國

右六

史漢表作都尉無東字誤也百官公卿表郡守秦

水經注疏要刪卷八

八 濟水

官景帝中二年更名都尉野封於高帝六年固當為東郡尉索隱以為臨淄郡之臺鄉非也

注逕於陵故城西南

左七

趙戴改逢陵又增二十里三字據寰宇記也然酈氏每舉故城其從新制者甚少且明云故城何得是逢陵新制寰宇記改引其文未可據也

注又西北逕章邱城東

左七

熊會貞曰章邱當作陽邱紀要女郎山三齊記章亥妾溺死葬此謂之章邱是章邱即指女郎山世因陽邱縣與章邱近誤以陽邱城為章邱城故酈

氏辨之此又作章邱乃涉上文之誤

注又北逕甯西

左七

趙氏據寰宇記增戚城二字是也戴亦增此二字而不言所出此戴襲趙之證

注隴水南出長城中

右六

御覽四百十五引續述征記梁鄒城西有籠水發源長

城山直北流於梁鄒西注濟水又御覽九十五齊孝

婦誠感神明湧泉發於室內潛以緝籠覆之由是

無瓮汲之勞云云故名籠水唐李宄獨異志亦載

之宋熙寧八年六月日敕淄川孝婦顏文姜特封

水經注疏要刪卷八

九濟水

順德夫人仍賜靈泉廟為額碑牒見存在山東博

山作顏文姜是也

注水南出長白山東抑泉口

左六

趙氏據淄川縣志改柳泉是也而謂此即漢志北

海郡之柳泉縣則非北海之柳泉何得在淄川此

不諳方位之言

注隴水即古袁水也故京相璠曰濟南梁鄒縣有袁

水者也

左六

按京相璠之書皆春秋土地名而春秋傳無袁水

未詳

注其城之東北又有時水西北注焉

右十九

熊會貞曰此時水枝津也詳瓠子河注亦見淄水注

注故狄邑也

右十九

此狄邑即史記田單攻狄三月不下之狄又即田儋狄人也之狄非狄伐衛之狄續漢志臨濟注引地道記曰狄伐衛誤史記正義亦誤

注漯沃側有平安縣故城

左十九

熊會貞曰平安縣何得稱在漯沃縣之側按河水注有漯沃津此當指津言縣字仍當在平安下全

水經注疏要刪卷八

十 濟水

趙戴皆非

注博昌縣西南三十里有安平亭故縣也

左十九

趙乙作平安是也禹貢錐指不知其誤倒乃以臨淄東淄水所逕之東安平城當之誤甚

注伏琛齊記曰博昌城西北五十里有南北二城

右二十

伏琛以樂安城為北博昌去南博昌三十里何以云五十里又云薄姑在臨淄西北五十里樂安在薄姑西北數里則樂安去臨淄亦五十許里耳然則博昌當臨淄之誤

注薄姑去齊城六十里

右二十

按齊城卽臨淄後文薄姑去臨淄五十里則此六爲五誤 括地志元和志並云薄姑城在博昌東北六十里此誤酈氏云在臨淄西北五十里若在博昌東北六十里是在臨淄之東北百餘里矣

注史遷曰胡公徙薄姑

左三

趙戴改胡公獻按史記齊世家是胡公自營邱徙薄姑獻公又自薄姑徙臨淄原文不誤

注晏謨曰縣在齊城北五十里也

右三

一統志利縣在今博興縣東四十里與晏謨說合汪士鐸圖於濟水之南大謬蓋誤讀淄水經文也

水經注疏要刪卷八

十一 濟水

互詳淄水篇

注山海經曰濟水絕鉅野注渤海

右三

今本山海經作絕鉅鹿澤誤初學記亦引作鉅野

注郭景純曰濟自滎陽至樂安博昌入海今河竭左三

此郭注海內東經文觀此又足見郭氏無水經注

若有之酈氏何以不引郭注 今河竭三字今本

山海經作今碣石也誤當以此正之

注東南右合黃汲枝流

右三

朱箋曰李云疑作黃溝趙戴從之熊會貞曰汲字乃汲字之誤黃汲當作汲水蓋已氏及景山楚邱

俱在汜水之北黃溝之南若是黃溝枝流則出已氏景山楚邱之北其北流何能逕已氏西景山東楚邱西耶汪圖此水從汜水出是也而仍題黃溝枝津則猶誤矣

注衛文公東徙渡河野處漕邑齊桓公城楚邱以遷之

按酈氏於河水篇云白馬津之東有白馬城衛文公東徙渡河都之其說最精而於此乃探謬說而實指之何耶

注故鄭玄言觀其旁邑及山川也

左三

水經注疏要刪卷八

三

濟水

鄭箋但言夾于濟水未實指景山之地 原書作及其邱山是也

注十三州記曰山陽有東緡縣

左二五

兩漢山陽郡並有東緡縣酈氏不引兩漢志而引十三州志何也

注後漢世祖建武十一年封馮異長子璋為侯國

左二五

後漢書馮異傳異薨長子彰嗣十三年封東緡侯食三縣永平中徙平鄉侯璋作彰十一年本十三年此誤

注鑿而得金故曰金鄉山

左二七

按漢書王子侯表有金鄉侯不害東平思王孫後漢立縣當卽本侯國故城魯峻之碑立於熹平時安得以其鑿金得名劉昭云云亦未足據

注縣有詩亭春秋之詩國也

左元

襄公十三年取邾杜注任城亢父縣有邾亭按公羊傳作詩地理志曰有邾亭故詩國

經荷水又東過湖陸縣南東入于泗水

左元

熊會貞曰按泗水注荷水與泗水合於湖陸縣西六十里穀庭城下則荷水不得過湖陸南始合泗水此南字當西字之誤

水經注疏要刪卷八

三

濟水

注雅水從西來注之

右三

此卽二十三卷之獲水也彼云入泗此云入濟泗濟亂流故得通稱據說文睢陽有雅水則此當作雅自漢志誤作獲後人遂以改水經注幸大典本於此尙有作雅之一字此校改之不盡者戴氏不因以考說文乃謂雅爲訛字斷然改作獲遂使說文之雅水俄空焉吁 廣韻雒水名在梁郡雒亦雅字之誤玉篇邑部邪胡灰切睢陽鄉名亦雅字之異文也

注劉成國徐州地理志

左三

此書隋志不著錄似非作釋名之劉成國也此下
皆鈔變博物志文見後漢書東夷傳注

注周王聞之遣使至楚令伐之

右三

博物志作周穆王聞之遣使至楚令文王伐之史
記正義引古史考徐偃王與楚文王同時去周穆
王遠矣故酈氏皆不著其名